



# VIGOMEZGO VYA MPINGO WITHU (ARTICLES OF FAITH)

## **Chiuta Yumoza Mu Watatu (The True God)**

Tikugomezga mwa Chiuta yumoza uyo wali na umoyo wambura kumara ndipo Iyo mwenecho ngwamuyirayira. Iyo ndiyo kendeskero ka Mpingo Fumu ya charu chose; tikugomezgaso kuti Iyo yekha ndiyo Chiuta, wakulenga ndipo wakulangulira, Mutuwa mukakhaliro kake na mu vyakulata vyake, Iyo nga Chiuta wali Chiuta yumoza mu Watatu mukakhaliro kake ndipo walivumburika nga m'Dada, Mwana na Mzimu Mutuwa.

[Genesis 1; Leviticus 19:2; Deuteronome 6:4-5; Yesaya 5:16; 6:1-7; 40:18-31; Mateyu 3:16-17; 28:19-20; Yohane 14:6-27; 1 Wakorinte 8:6; 2 Wakorinte 13:14; Wagalatiya 4:4-6; Waefeso 2:13-18; 1 Yohane 1:5; 4:8]

## **Yesu Khristu (Jesus Christ)**

Tikugomezga mwa Yesu Khristu, Uyo ngwa chiwiri mu Chiuta yumoza mwa watatu; kuti Iyo wakawapo pamoza na Chiuta Dada kuyambira pakudanga; kuti Iyo wakakhalapo munthu wa Thupi ndipo kwizira mu nkhangono ya Mzimu Mutuwa wakababika ku mwali wakuchemeka Mariya; ntheura kuti Uchiuta wake na Wunthu wake vukagumanizgana mwa Iyo yekha kukhala Chiuta mwenecho ndiposo munthu mwenecho, Chiuta-Munthu.

Tikugomezga kuti Yesu wakafwira zakwananga zithu, ndipo wakawuka kuwakufwa nakuyeya thupi lake, pamoza na vyose vyakukhwaskana na kufikapo kwa wunthu wake, ndipo wakakwera kuya Kuchanya uko wakutipempherera.

[Mateyu 1:20-25; 16:15-16; Luka 1:26-35; Yohane 1:1-18; Milimo 2:22-36; Waroma 8:3, 32-34; Wagalatiya 4:4-5; Wafilipi 2:5-11; Wakolose 1:12-22; 1 Timote 6:14-16; Waheberere 1:1-5; 7:22-28; 9:24-28; 1 Yohane 1:1-3; 4:2-3, 15]

## Mzimu Mutuwa (The Holy Spirit)

Tikugomezga mwa Mzimu Mutuwa, Uyo ngwachitatu mu Chiuta yumoza mwa Watatu, kuti Iyo walipo nyengo zose ndipo wakugwira ntchito mukati mwa Mpingo wa Khristu, pakumanyiska wanthu wa pa charu chapasi za uheni, pakuzgora umoyo wa iwo walapa zakwananga zawo na kugomezga, pakutuwiska awo mbakugomezga ndipo pakuwalongozga, mu unenesko wose mwa Yesu Khrist.

[Yohane 7:39; 14:15-18, 26; 16:7-15; Milimo 2:33; 15:8-9; Waroma 8:1-27; Wagalatiya 3:1-14; 4:6; Waefeso 3:14-21; 1 Watesalonika 4:7-8; 2 Watesalonika 2:13; 1 Petros 1:2; 1 Yohane 3:24; 4:13]

## Mazgu Gha Chiuta (Buku Lituwa) (The Holy Scriptures)

Tikugomezga mu kutumbika kwakufikapo kwa Mazgu Gha Chiuta na Mzimu Mutuwa ndipo kutti Mabuku ghose 66 gha m'Chipango Chakale na Chipangano cha Sono na Vigomezgo Vya Mpingo Withu, agho ghakaperekeka na kutumbikika na Mzimu, ghativumbulira chakulata cha Chiuta pa ise mu vinthu vyose vyakukhumbika mu Chiponosko chitu, nthaura mwakuti chose icho chikusangika chara mu Mazgu agha gha Chiuta tingachitolanga chara kuti ntchigomezgo cha Mpingo Withu.

[Luka 24:44-47; Yohane 10:35; 1 Wakorinte 15:3-4; 2 Timote 3:15-17; 1 Petros 1:10-12; 2 Petros 1:20-21]

## Kwananga, kwa Kubabinako, Na Uko Munthu Wakuchita (Sin, Original and Personal)

Tikugomezga kuti kwananga kukiza mu charu chapasi chifukwa cha kwambura kupulikira kwa wapapi withu wakudanga, ndipo nyifwa yikiza chifukwa cha kwananga. Tikugomezga kuti kwananga uku kuli kwa mitundu yiwiri: Kwananga kwakubabika nako kweniso kwananga uko munthu wakuchita.

Tikugomezga kuti kwananga kwakubabika nako ndiko kuvunda kwa kakhaliro ako kakusangika mu mbuto yose ya Adamu, pa chifukwa ichi waliyose walikutali na umoyo wakifikapo (utuwa) uwo wapapi withu wakudanga wakawa nawo apo iwo wakalengekera; Chiuta wakitinkha kuvunda kwa umoyo wa nthaura chifukwa ulije Mzimu Mutuwa ndipo nyengo zose umoyo wa nthaura ukuchita uheni. Tikugomezga kuti kwananga kwakubabika nako kukukhalira mu umoyo wa munthu uyo ngwakuzgoka mtima, kufikira apo munthu uyo wazuzgika (wababatizika) na Mzimu Mutuwa.

Tikugomezga kuti uheni uwo munthu wakubabika nawo ukupambana na uheni uwo munthu akuchita. Mphambano yake njakuti uheni wakubabika nawo ndiwo ukupangiska kuti munthu wachite uheni. Munthu kuti wazamukweruzgika mlandu chifukwa cha kwananga kwakubabika nako uku chara pekhapekha munthu uyo wakana kuti Chiuta wamovwire.

Tikugomezga kuti uheni uwo munthu akuchita ndiko kuswa malango gha Chiuta. Ntheura tikwenera kulekaniska. Pakati pa uheni uwu na vinthu nga ni ubudi, kufowoka, kuremerwa, ivyo tingavigwentha chara, panyake kutondeka kukhala mwakufikapo ivyo ni njombe yakwanaga kwa munthu pa kudanga. Nangauli viri ntheura ivi kuti vikuszgikana na maghanoghano panji kakhaliro kakususkana na Mzimu wa Khristu chara, kweni usange vikuchitika ntheura, vikuchemeka zakwananga za Mzimu. Tikugomezga kuti kwananga ndiko kuswa dango la chitemwa, ndipo uku mwakukolerana na Khristu kukung'anamula kuti kwananga nkhuleka kugomezga.

[Kwananga Kwakubabika Nako: Genesis 3; 6:5; Job 15:14; Masalmo 51:5; Yeremiya 17:9-10; Marko 7:21-23; Waroma 1:18-25; 5:12-14; 7:1-8; 9; 1 Wakorinte 3:1-4; Wagalatiya 5:16-25; 1 Yohane 1:7-8]

[Kwananga Kwakuchita Mwakusola: Mateyu 22:36-40 (pamoza na 1 Yohane 3:4); Yohane 8:34-36; 16:8-9; Waroma 3:23; 6:15-23; 8:18-24; 14:23; 1 Yohane 1:9 – 2:4; 3:7-10]

## **Chiponosko (Atonement)**

Tikugomezga kuti Yesu Khristu, chifukwa cha kutombozgeka kwake, pakuthira ndopa zake ndiposo pa nyifwa yake pa mphinjika, wakapereka chiponosko cha zakwananga za wanthu wose, nakuti chiponosko ichi ntchakukwanira kwa waliyose uyo walikubabika kufuma kwa Adamu. Chiponosko ichi cha uchizi ntchakukwanira kuthaska yose uyo ngwambura kupanikizga makora ndiposo wana wambura kumanya kusankha uwemi panji uheni, kweniso ntchakufikapo kuthaska wose awo wafika pa msinkhu wakumanya kusankha uwemi panji uheni pekhapekha iwo walapa zakwananga zawo na kugomezga.

[Yesaya 53:5-6; 11; Marko 10:45; Luka 24:46-48; Yohane 1:29; 3:14-17; Milimo 4:10-12; Waroma 3:21-26; 4:17-25; 5:6-21; 1 Wakorinte 6:20; 2 Wakorinte 5:14-21; Wagalatiya 1:3-4; 3:13-14; Wakolose 1:19-23; 1 Timote 2:3-6; Tito 2:11-14; Wahebere 2:9; 9:11-14; 13:12; 1 Petros 1:18-21; 2:19-25; 1 Yohane 2:1-2]

## **Kupulumutsidwa mwa Chisomo (Prevenient Grace)**

Tikugomezga kuti kulengeka kwa munthu muchikozgo cha Chiuta kukutimanyiska kuti munthu wali na wanngwa wakusankha chinthu icho chiweme panji chiheni, ndipo iyo wali na ntchito yakuti wawe mulunji; tikugomezgaso kuti chifukwa cha kwananga kwa Adamu munthu ngwakwananga ndipo pa iyo yekha walije nkhongono zakuti wazgokere kwa Chiuta. Kweni tikugomezga kuti uchizi wa Chiuta mwa Yesu Khristu ukuperekeka mwa wanangwa kwa munthu waliyose, kukmupanga kuti wazgoke mtima, wagomezge Yesu Khristu kuti watimugowokoerenge zakwananga zake nakutiso walondezge ntchito ziwemi zakumukondwereska na kuzomerezgeka pa maso gha Chiuta.

Tikugomezgaso kuti munthu wangamanya kuwa kufuma ku uchizi nangauli munthu wakuzgoka mtima panjiwakutuwisika. Usange wakulapa chara, munthu wantheura wakuwa wakutayika ndiposo wambula chilindizga.

[Chikozgo Cha Chiuta na Udindo pa paukhaliro: Genesis 1:26-27; 2:16-17; Deuteronome 28:1-2; 30:19; Joshua 24:15; Masalmo 8:3-5; Yesaya 1:8-10; Yeremiya 31:29-30; Ezekiel 18:1-4; Mika 6:8; Waroma 1:19-20; 2:1-16; 14:7-12; Wagalatiya 6:7-8]

[Kutondeka kwa kubabika nako: Job 14:4; 15:14; Masalmo 14:1-4; 51:5; Yohane 3:6a; Waroma 3:10-12; 5:12-14, 20a; 7:14-25]

[Wezi wa wanang'waa na milimo ya chigomezgo: Ezekiel 18:25-26; Yohane 1:12-13; 3:6b; Milimo 5:31; Waroma 5:6-8; 18; 6:15-16, 23; 10:6-8; 11:22; 1 Wakorinte 2:9-14; 10:1-12; 2 Wakorinte 5:18-19; Wagalatiya 5:6; Waefeso 2:8-10; Wafilipi 2:12-13; Wakolose 1:21-23; 2 Timote 4:10a; Tito 2:11-14; Wahebere 2:1-3; 3:12-15; 6:4-6; 10:26-31; Yakobe 2:18-22; 2 Petros 1:10-11; 2:20-22]

## **Kulapa (Repentance)**

Tikugomezga kuti kulapa uko nkhezgoka kwakufikapo kwa umoyo wa munthu kukhwaskana na zakwananga uko kukuchitika chifukwa chakususika na kusankha kuleka uheni wose; nkhwakukumbika kwa munthu waliyose uyo wakamunangira Chiuta. Mzimu wa Chiuta ukupereka mwa uchizi kwa yose uyo wakukhumba kulapa, mtima wakulapa, na kuzika kwa chitima na kulindizga lusungu kuti iyo wagomerezge chigowokero na umoyo wa uzimu.

[2 Midauko 7:14; Masalmo 32:5-6; 51:1-17; Yesaya 55:6-7; Yeremiya 3:12-14; Ezekiel 18:30-32; 33: 14-16; Marko 1:14-15; Luka 3:1-14 13:1-5; 18:9-14; Milimo 2:38; 3:19; 5:31; 17:30-31; 26:16-18; Waroma 2:4; 2 Wakorinte 7:8-11; 1 Watesalonika 1:9; 2 Petros 3:9]

## **Chigowokero, Kubabikaso Mwasono, Na Kukhalaso Mwana Wa Chiuta (Justification, Regeneration, and Adoption)**

Tikugomezga kuti chigowokero ni ntchito ya uchizi iyo Chiuta wakuchita pakutithaska ise nga wanthu warunji pakutigowokera zakwananga zithu na kutiponoska ku njombe ya uheni withu uwo tikachitanga. Ichi chikuchitika kwa wose awo wamugomezga Yesu Khristu na kumupokerera Iyo nga ni Muponoski wao.

Tikugomezga kuti kubabikaso kupya ni ntchito ya uchizi ya Chiuta Iyo Yesu wakufumiska umoyo uheni mwa munthu uyo walapa nakumupa umoyo uwemi upya wa uzimu uwo ukuwa wakugomezga, wakutemwa ndiposo wakupulikira Chiuta.

Tikugomezga kuti kukhalaso mwana wa Chiuta ni ntchito ya uchizi ya Chiuta iyo yikuchitika usange munthu uyo wagowokereka nakubabikaso, wapokerereka kukhala mwana wa Chiuta.

Tikugomezga kuti chigowokero, kubabikaso ndiposo kukhalaso mwana wa Chiuta vikuchitapa pa nyego yimoza kwa munthu uyo wakukhumba Chiuta, ndipo vikuchitika pekhapekha munthu wali na chigomezgo ndipo walapa uheni wose. Tikugomezgaso kuti Mzimu wa Chiuta ukuchitira ukaboni ku ntchito zose za uchizi

[Luka 18:14; Yohane 1:12-13; 3:3-8; 5:24; Milimo 13:39; Waroma 1:17; 3:21-26, 28; 4:5-9; 17-25; 5:1, 16-19; 6:4; 7:6; 8:1, 15-17; 1 Wakorinte 1:30; 6:11; 2 Wakorinte 5:17-21; Wagalatiya 2:16-21; 3:1-14, 26; 4:4-7; Waefeso 1:6-7; 2:1, 4-5; Wafilipi 3:3-9; Wakolose 2:13; Tito 3:4-7; 1 Petros 1:23; 1 Yohane 1:9; 3:1-2, 9; 4:7; 5:1, 9-13, 18]

## Utuwa Wachikristu Na Utuwa Wenecho Wakufikapo (Christian Holiness & Entire Sanctification)

Tikugomezga kuti utuwa wakufikapo ni ntchito ya uchizi wa Chiuta iyo yikuchitika kwa munthu usange walapa, yikuchitika para wababika ndipo munthu wakusutulika ku uheni wakubabika nawo nakukhala munthu wakujipereka kwa Chiuta nakupulikira Chiuta kwakufikapo.

Ntchito iyi yikuchitika pakubabatizika na Mzimu Mutuwa ndipo mtima ukusukika ku uheni, nthuraso Mzimu Mutuwa akunjira nakukhazikika, kupreka nkhongono yakukhalira na umoyo uwemi kweniso nkhongono zakutewetera Chiuta kwa uyo ngwakugomezga.

Utuwa wenecho wakufikapo ukuperekeka kwizira mu ndopa za Yesu Khristu, ndipo ukupika mu umoyo nyengo yene iyo munthu wagomezga, pakulondezgeka na kujipereka kwenecho, ndipo pa ntchito iyi Mzimu Mutuwa akuchitira ukaboni.

Ntchito iyi yikumanyikwa na mazina ghakupambanapambana nga ni agha: “Chikristu chakufikapo,” “Ubatizo wa Mzimu Mutuwa,” “Kuzura kwa Vitumbiko,” na “Utuwa wa Chikristu.”

Tikugomezga kuti pali mphambano pakati pa mtima wakunyoroka (utuwa) na kukula mu Chikristu. Kutuwiskika kwa mtima kukuchitika nyengo yimoza ndiposo kukuchita usange munthu uyo watuwiskika kwakufikapo; kukula mu Chikristu kukwiza usange munthu wakukula mu uchizi wa Chiuta.

Tikugomezga kuti uchizi wa Utuwa wakufikapo ukulongozgana na khumbo lakukula mu uchizi. Khumbo iri likwenera kulereka, nakuwikapo mtima kwakuruska pa vinthu ivyo vyakukumbikwira pa nthowa iyo yingativwira kuti tikule mu uzimu na kukhala nga ni Yesu mu kakhaliro kithu. Kwambura chakulata nga ni ichi ukaboni ngamanya kutimbanizgika ndipo uchizi wa Chiuta ukutileka

[Yeremiya 31:31-34; Ezekiel 36:25-27; Malaki 3:2-3; Mateyu 3:11-12; Luka 3:16-17; Yohane 7:37-39; 14:15-23; 17:6-20; Malimo 1:5; 2:1-4; 15:8-9; Waroma 6:11-13, 19; 8:1-4; 8-14; 12:1-2; 2 Wakorinte 6:14-7:1; Wagalatiya 2:20; 5:16-25; Waefeso 3:14-21; 5:17-18, 25:27; Wafilipi 3:10-15; Wakolose 3:1-17; 1 Watesalonika 5:23-24; Waheberere 4:9-11; 10:10-17; 12:1-2; 13:12; 1 Yohane 1:7, 9]

[“Kunozgeka M’chikristu” “chitemwa cheneko” Deuteronome 30:6 Mateyu 5:43-48; 22:37-40; Waroma 12:9-21; 13:8-10; 1 Wakorinte 13; Wafilipi 3:10-15 Waheberere 6:1; 1 Yohane 4:17-18; [“ mtima Wututwa”: Mateyu 5:8; Milimo 15:8-9; 1 Petros 1:22; 1 Yohane 3:3; “Ubatizo wa Mzimu Mutuwa “: Yeremiya 31:31-34; Ezekiel 36:25-27; Malaki 3:2-3; Mateyu 3:11-12; Luka 3:16-17; Milimo 1:5; 2:1-4; 15:8-9; “Kuzuzgika na vitumbiko”: Waroma 15:29; “Wutuwa wa Chikristu”: Mateyu 5:1-7,29; Yohane 15:1-11; Waroma 12:1-15:3; 2 Wakorinte 7:1; Waefeso 4:17-5:20; Wafilipi 1:9-11; 3:12-15; Wakolose 2:20-3:17; 1 Watesalonika 3:13; 4:7-8; 5:23; 2 Timote 2:19-22; Waheberere 10:19-25; 12:14; 13:20-21; 1 Petros 1:15-16; 2 Petros 1:1-11; 3:18; Yuda mavesi 20-21]

## Mpingo (The Church)

Tikugomezga mu Mpingo wupu wa iwo wakuzomerezga Yesu Khristu nga ni Fumu yawo, wanthu wachipangano wa Chiuta awo wakupangika kuwa wapya mwa Yesu Khristu, Thupi la Khristu ili likachemeka kukhala pamoza na Mzimu Mutuwa kwizira mu Mazgu gha Chiuta.

Chiuta wakutuma Mpingo kuti uwoneske umoza na chipulikano cha Mzimu, mu visopo kwizira muuphalazgi wa mazgu, mukulondezga masakaramenti; na kutewetera mu zina lake, pakupulikira Khristu na kumanyiskana chakulata chake.

Ntchito ya Mpingo pano pasi nkhlutizga ntchito ya chiponosko ya Yesu Khristu mu nkhangono ya Mzimu Mutuwa pakukhala umoyo utuwa, pa kusambizga na pakutewetera.

Mpingo ngwa kale chomene ndipo ukukhazikika wekha mu kakhaliro ka wanthu; uwo ukukhala nga ni Mpingo pa iwo wekha panyake nga ndi mpingo ukulu wa Yesu Khristu pa charu chose; ndipo Mpingo ukupatula awo wachemeka kukamugwirira ntchito Chiuta. Chiuta wakuchema Mpingo kuti ukhale pasi pa ulongozgi wake apo Mpingo ukululindizga kwizaso kwa Fumu Yesu Khristu ku umaliro wa nyengo yino.

[Exodus 19:3; Yeremiya 31:33; Mateyu 8:11; 10:7; 16:13-19, 24; 18:15-20; 28:19-20; Yohane 17:14-26; 20:21-23; Milimo 1:7-8; 2:32-47; 6:1-2; 13:1; 14:23; Waroma 2:28-29; 4:16; 10:9-15; 11:13-32; 12:1-8; 15:1-3; 1 Wakorinte 3:5-9; 7:17; 11:1, 17-33; 12:3; 12:31; 14:26-40; 2 Wakorinte 5:11 -6:1; Wagalatiya 5:6 13-14; 6:1-5; 15; Waefeso 4:1-17; 5:25-27; Wafilipi 2:1-16; 1 Watesalonika 4:1-12; 1 Timote 4:13; Waheberere 10:19-25; 1 Peter 1:1-2, 13; 2:4-12, 21; 4:1-2, 10-11; 1 Yohane 4:17; Yuda vesi 24; chivumbuzi 5:9-10]

## Ubatizo (Baptism)

Tikugomezga ubatizo wa Chikhristu uwo ukalangulirika na Fumu yithu, ni Sakaramenti yakumanyiska kuzomerezga na kupokera vyawanangwa vya chiponosko cha Yesu Khristu, ukuperekeka kwa wakugomezga ndipo ukuwoneska chigomezgo chawo mwa Yesu Khristu nga ni Mponoski wawo, ndipo kuwoneska chakulata chawo chakukhala wakupulikira mu utuwa na mu ulunji.

Ubatizo pakuwa chimanyisko cha Chipangano cha Sono, wana wachoko wangamanya kubabatizika usange wapapi wawo panji awo wakuwalera wapempha kuti wana wawo wabatizike. Wapapi wakwenera kupereka chipanikizgo kuti wana awo wakwenera kusambizgika m'Chikhristu. Ubatizo ungamanya kuchitika pa kumijira maji munthu, panji kumuthirira maji munthu, panyakhe kumubizga munthu m'mumaji kwakuyana na umo mwenecho wakubatizika wangasankhira.

[Mateyu 3:1-7; 28:16-20; Milimo 2:37-41; 8:35-39; 10:44-48; 16:29-34; 19:1-6; Waroma 6:3-4; Wagalatiya 3:26-28; Wakolose 2:12; 1 Petros 3:18-22]

## Monesko wa Fumu (The Lord's Supper)

Tikugomezga kuti chikumbusko na chipulikano cha Monesko wa Fumu, icho chikawikika na Fumu yithu Yesu Khristu, ni Sakaramenti la Chipangano Chasono, ilo likuyowoya za nyifwa yake iyo yikawa sembe, ndipo kwizira mu nyifwa yene iyi wose awo mbakugomezga wakuwa na umoyo na chiponosko ndiposo layizgo la vitumbiko mwa Yesu

Khristu. Monesko ngwa iwo awo mbakunozgeka kuchindika na kuwonga kuzirwa na kukhumbikwa kwa Monesko ndipo pakukhala nawo wakuwoneska nyifwa ya Fumu mpaka apo wizamukwizaso. Wose awo wali na chigomezgo mwa Yesu Khristu ndipo wali na chitemwa mwa wanthu watuwa mitima ndiwo mbakuzomerezgeka kurya Monesko wa Fumu.

[Exodus 12:1-14; Mateyu 26:26-29; Marko 14:22-25; Luka 22:17-20; Yohane 6:28-58; 1 Wakorinte 10:14-21; 11: 23-32]

## Kuchizgika Na Chiuta (Divine Healing)

Tikugomezga mu chisambizgo cha Mazgu Gha Chiuta na kuchizgika mwa Chiuta, ndipo tikuzomerezga na kuchiska Wakhristu withu kuti walombenge lurombo la chigomezgo kuti mulwali wachire. Usange nthowa yakupokerera oiwiri wa nthura uwu njakwenerera tingakananga chara. Tikugomezgaso kuti Chiuta wakuchizga wanthu awo mbalwali kwizira muwovwiri wa Chipatala.

[2 Mathemba 5:1-19; Masalmo 103:1-5; Mateyu 4:23-24; 9:18-35; Yohane 4:46-54; Milimo 5:12-16; 9:32-42; 14:8-15; 1 Wakorinte 12:4-11; 2 Wakorinte 12:7-10; Yakobe 5:13-16]

## Kwizaso Kwachiwiri Kwa Khristu (Second Coming of Christ)

Tiri nachigomezgo kuti Fumu, Yesu Khristu wizengeso kachiwiri; nakuti ise tawamoyo pakwiza kwake tizamudangilirila awo mbakugona mwa Khristu chara; kweni kuti, usange tiri mwa Iyo, tizamutoleka pamoza na wose watuwa mitima awowazamuwuka na kukumana na Fumu muchanya ndipo tizamukukhala na Fumu nyengo yose.

[Mateyu 25:31-46; Yohane 14:1-3; Milimo 1:9-11; Wafilipi 2:20-21; 1 Watesalonika 4:13-18, Tito 2:11-14; Waheberere 9:26-28; 2 Petros 3:3-15; Chivumbuzi 1:7-8; 22:7-20]

## Chiwuka, Chiyeruzgo Na Umaliro Wa Vyose (Resurrection, Judgement, and Destiny)

Tikugomezga mu chiwuka kuwa kufwa, kuti mathupi gha wanthu warunji ndiposo wanthu wakwananga ghazamukuwuka na kukhalso na umoyo apo mathupi ghene agha ghazamukugumaskika ku mizimu yawo, “awo wakachitanga uweme, wati wawuke ku umoyo; kweni awo wakachitanga uheni, wati wawukire ku njeruzgo.”

Tikugomezga kuti kuli chiyeruzgo icho chikwiza peneapo munthu waliyose wazamukwima pamaso pa Chiuta na kweruzgika kuyana na milimo yake iyo wakachitanga pano pasi.

Tikugomezga kuti umoyo wauchindami na wamuyirayira wuli kulayizgika kwa wose awo wakugomezga na kulondezga Yesu Khristu Fumu yithu, ndipo awo mbambura kulapa wazamusuzgika ku Gehena.

[Genesis 18:25; 1 Samueli 2:10; Masalmo 50:6; Yesaya 26:19; Danieli 12:2-3; Mateyu 25:31-46; Marko 9:43-48; Luka 16:19-31; 20:27-38; Yohane 3:16-18; 5:25-29; 11:21-27; Milimo 17:30-31; Waroma 2:1-16; 14:7-12; 1 Wakorinte 15:12-58; 2 Wakorinte 5:10; 2 Watesalonika 1:5-10; Chaivumbuzi 20:11-15; 22:1-15]